

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA JAJCE
JU „Agencija za kulturno-povijesnu i prirodnu baštinu
i razvoj turističkih potencijala grada Jajca“

Broj: 01.1-11-375/25

Datum: 21.07.2025. godine

Na osnovu članka 70. Zakona o javnim nabavkama BiH („Službeni glasnik BiH“, broj 39/14, 59/22, 50/24) i članka 40. Statuta Javne ustanove „Agencija za kulturno-povijesnu i prirodnu baštinu i razvoj turističkih potencijala grada Jajca“ br. 01.2-04-41/22 od 03.03.2022. godine, u postupku javne nabavke usluga čišćenja korita Vodopada u Jajcu, općina Jajce, putem konkurentskog zahtjeva za dostavu ponuda čije obavještenje o nabavci je objavljeno na portalu javnih nabavki pod brojem 400-7-2-211-3-11/25 dana 04.07.2025. godine, direktor donosi

O D L U K U
o izboru najpovoljnijeg ponuđača

I

Ugovor „Usluge čišćenja korita Vodopada u Jajcu“ dodjeljuje se ponuđaču „**EXTREME EXPLORER**“ d.o.o. Mostar.

Konačna cijena usluga koje su predmet postupka javne nabavke utvrđena je na osnovu ponude odabranog ponuđača broj 25-0100-000005 i ista sa uključenim PDV-om iznosi **56.112,03 KM** (slovima: pedesetšeststisućastotinudvanaest i 03/100 konvertibilnih maraka).

II

Ponuđač iz točke I ove Odluke ocijenjen je kao kvalificiran, a njegova ponuda od svih kvalificiranih ponuda je najpovoljnija prema kriteriju za dodjelu ugovora iz članka 64. stavak (1) točka b) Zakona o javnim nabavkama BiH (najniža cijena).

III

Ova odluka objavit će se na web stranici Ugovornog tijela: <https://www.agencija-jajce.ba/> istovremeno s upućivanjem ponuđačima koji su sudjelovali u postupku javne nabavke shodno članku 70. stavak (6) Zakona o javnim nabavkama BiH.

IV

U skladu s člankom 45. Zakona o javnim nabavkama BiH odabrani ponuđač iz točke I ove odluke je dužan u roku od 3 (tri) dana od dana prijema ove odluke dostaviti ugovornom tijelu dokumentaciju propisanu člankom 45. Zakona o javnim nabavkama BiH koja je zahtijevana tenderskom dokumentacijom. U suprotnom, ugovorno tijelo će postupiti u skladu sa člankom 69. stavak (2) Zakona o javnim nabavkama BiH. Ove obaveze se oslobađa ponuđač ukoliko je navedenu dokumentaciju dostavio u svojoj ponudi.

O b r a z l o ž e n j e

Ugovorno tijelo – Javna ustanova „Agencija za kulturno-povijesnu i prirodnu baštinu i razvoj turističkih potencijala grada Jajca“ je provelo postupak javne nabavke usluga koje se odnose na čišćenje korita Vodopada u Jajcu, općina Jajce, putem konkurentskog zahtjeva za dostavu ponuda čije obavještenje o nabavci je objavljeno na portalu javnih nabavki pod brojem 400-7-2-211-3-11/25 dana 04.07.2025. godine.

U predmetnom postupku javne nabavke Odlukom direktora broj 01.3-04-353/25 od 07.03.2025. godine imenovano je Povjerenstvo za javnu nabavku.

Povjerenstvo za javnu nabavku je ugovornom tijelu dostavilo Zapisnik o ocjeni ponuda uz preporuku o izboru najpovoljnijeg ponuđača broj 01.3-04-373/25 od 19.07.2025. godine.

U postupku je utvrđeno da je Povjerenstvo za javnu nabavku blagovremeno i pravilno izvršilo otvaranje ponuda i ocjenu zaprimljenih ponuda, o čemu je sačinilo odgovarajuće zapisnike u kojima je utvrđeno da je blagovremeno zaprimljena 1 ponuda i to ponuda gospodarskog društva:

1. „EXTREME EXPLORER“ d.o.o. Mostar

Povjerenstvo je preuzelo izvještaj o preuzimanju tenderske dokumentacije od strane ponuđača i utvrdilo da je ponuđač preuzeo tendersku dokumentaciju sa portala javnih nabavki.

Ocjenom zaprimljene ponude ponuđača „EXTREME EXPLORER“ d.o.o. Mostar, Povjerenstvo je utvrdilo da zaprimljena ponuda sadrži tražene dokumente iz konkurentskog zahtjeva, kao i da ponuđene cijene za predmetne usluge ne prelaze planirana, odnosno osigurana novčana sredstva ugovornog tijela za ovu nabavku. Nakon ocjene kvalifikacija ponuđača prešlo se na financijsku evaluaciju ponude te provjeri računskih operacija u cilju utvrđivanja eventualnih računskih greški.

Povjerenstvo je utvrdilo da u navedenoj ponudi nema računskih greški.

Nakon evaluacije ponuda, utvrđena je konačna rang-lista kvalificiranih ponuđača (prema kriteriju najniža cijena):

1. „EXTREME EXPLORER“ d.o.o. Mostar

- ponuđena cijena sa PDV-om iznosi 56.112,03 KM
- ponuđena cijena bez PDV-a iznosi 47.959,00 KM

Povjerenstvo je preporučilo ugovornom tijelu da se u predmetnom postupku javne nabavke dodijeli ugovor ponuđaču „EXTREME EXPLORER“ d.o.o. Mostar.

Ugovorno tijelo nije našlo razloge nepravilnosti niti propuste u radu Povjerenstva za javnu nabavku koji bi eventualno bili temelj za neprihvatanje njene preporuke. Naime, u postupku je ocijenjeno da je Povjerenstvo u svemu pravilno postupilo te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Na osnovu navedenog odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog tijela u pisanoj formi direktno ili preporučenom poštanskom pošiljkom u roku od 5 (pet) dana od dana prijema Odluke.

Dostaviti:

- Ponuđačima
- Web stranica
- a/a

DIREKTOR
dr. sc. Anto Brtan

